

書名 空同先生集六十三卷 嘉靖九年序刊本  
 撰者 明 李夢陽 撰  
 卷 卷八  
 內容分類 集-別集-明中葉  
 索書號 倉石:40084  
 編號 4008000



# 卷八

## 空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

鈍賦

述征賦

宣歸賦

寄兒賦

竹石賦

[彩色首頁1](#)

[東洋文化研究所漢籍目錄 編號: 4008000](#)

[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

[版權所有: 東京大學 東洋文化研究所](#)

[使用上的注意事項](#)

乾坤高卑易矣。星辰在下。江河逆矣。天喬喬天。

北郡李夢陽撰



空同先生集卷第八

北郡李夢陽撰

詩 樂府四十六首

鏡歌曲三首

雷之奮

鳳之升

月如日

雜調曲二十一首

塘上行

艷歌行

甄氏女詩

師曠歌二首

五仰詩五首

淋池歌

招商歌

順東西門行

妾薄命

苦哉行

嗟哉行

朱榴篇

行路難

白紵詞三首

詠史一十一首

賦大隧

公儀休

青陵臺

射潮引

汝為我楚舞

博浪沙

左袒行

申屠嘉

轅下駒

栗太子

赤鳳曲

短調歌一十一首

子夜四時歌八首

車遥遥

幽蘭

掌上舞

鏡歌曲三首

雷之奮

雷之奮翕兮張山之陽發坤藏闢哉昌群龍載浮列  
缺光列缺光烜中土惠甘雨介稷黍聖人垂衣民歌  
舞民歌舞祛禍蓄飢而食飽斯嬉厲鬼潛滅維福基

鳳之升

鳳之升附龍雲儀萬方昭帝文昭帝文承宗徑安如  
山翕如坤兩宮豫協天神帝臨朝奏雲門憂鳴球笙  
鏞振昭四方明萬民萬民愉庶物亨陰陽熙乾道成

乾道成皇業昌軼周妙績塗戎臣稽首歌雲龍

月如日

月如日光如輪輪五色續哉紛貫紫霓揚風翎扶太  
乙侵紫庭化為白氣干天經張我弧挾我矢祛稜滅  
妖天下理

雜調曲二十一首

塘上行

蒲生何離離過時采者稀莫言采者殊盛衰自有時  
一解昔與君相見不謂行當變讒言使交流水清石自  
見三解孔雀東南飛十步一徘徊羅鷲羽翼短安可作  
雄雌三解今日樂相樂飲酒行六博蒲生枝葉多中心

亦不惡

解四

艷歌行

杲日出扶桑照我結綺窓綺窓不時開日光但徘徊  
一解通阡對廣陌柳樹夾樓垂上有織素女嘆息為誰  
二解步出郭東門望見陌上柳葉葉自相當枝枝自  
三解相糾

甄氏女詩

予讀魏記見甄氏女失身以讒被誅即其絕鳴  
之音至慘戚不可讀而竟以讒死悲夫然車氏  
女亦奔相如作白頭吟何所遇懸絕也陳思王  
浮萍詩或稱托風於甄氏比之長門成敗異矣

豈非事人者之永鑒哉

種樹高堂下枝葉何留留辭家奉君子置我青雲樓  
一朝意乖別棄妾忽如道昔為同溝水今向東西流  
獨守結心脾夕暮不垂帷明月鑒玉除清風一何悲  
曳絢立中庭仰見明河湄明河光不回念妾當何依  
沉思仰天嘆淚下如斷縈

師曠歌二首

詳見樂書

宮筵肆兮哀絃拊玄鶴降兮鳴且舞呼煙侶兮嘯雲  
友誰能為此師曠子

右玄鶴歌

招白雲兮會英鬼雨冥冥兮風不止君好音兮徒自

苦民悲嗟兮離棄女

右白雲歌

五仰詩五首

余懷五嶽尚矣婚嫁未畢頗有向平之嘆太史  
公曰高山仰止景行行止即未能至心竊嚮往  
之於是作五仰詩焉

我所仰兮在華山側身西望阻秦關蓮嶺阻修徒離  
嘆仙人贈我白瓊丹翳三秀兮吟葛覃我欲從之途  
路艱西望咸陽涕潺湲

二

我所仰兮在衡山側身南望阻荆關祝融峯亭心悲

酸仙人贈我赤瓊丹  
娑娑桂樹山之間  
我欲從之途  
路艱南望洞庭涕潺湲

三

我所仰兮在泰山  
側身東望阻齊關  
南有龜蒙東肅  
然仙人贈我綠瓊丹  
招我東游扶桑間  
我欲從之途  
路艱東望河濟涕潺湲

四

我所仰兮在恒山  
側身北望阻燕關  
飛石岑巉不可  
攀仙人贈我黑瓊丹  
帶星辰兮佩鳴環  
我欲從之途  
路艱北望鴈門涕潺湲

五

我所仰兮在嵩山  
側身遙望阻韓關  
企余望之良匪  
難仙人贈我黃玉丹  
手持金光翳華管  
我欲從之途  
路艱遙望緱城涕潺湲

淋池歌

翩翩黃鵠玉距金衣飛  
引兩雌來下我池  
肅我徒駕  
我舟折荷花兮擢中流  
女揚歌龍豹馴陽阿  
雜進齊  
言陳會鼓擊樂未央  
皇家萬壽民阜康

招商歌

荷爲蓋水爲車  
女豔豔兮繡帶舒  
辟陰館坐陽渠  
招涼風兮吹玉竿  
吹玉竿感心志  
晝卷夜舒蕩人思  
榮景沉凝霜零  
仰首太息沾我纓

順東西門行

慨人生七十稀來日苦奔去難追賢子孫富家資耳  
聰眼明心寡悲酒既清殺核時首春禽鳴梅滿枝人  
道成世運熙乃今不樂當待誰召同姓請鄉耆鼓瑟  
飲醇祝期頤

妾薄命

蘭房宵宴燭舒明今者不樂歲其征豈伊異人惟友  
生金杯玉盤敬雜呈恃容驕愛各極情任心屬懽密  
意傾美人顧予獨目成烏履雜踪香澤傳額瞬目語  
中意宣主稱千壽客萬年攬衣起舞體仙仙燕翻雪  
迴臻極妍羅濡毅潤汗沾顏履遺珮絕立未安滿堂

稱能燈屢前金爵弱腕未勝持相擎袖遮情語微促  
尊前席影齊移繡裾珠极光透迤耳後懸瑱何纍纍  
皎若芙蓉出綠池贈我彤管親所將車疑馬停仍整  
觴德音愛深結肝腸醉沉獨言猶不忘歸室自解鳴  
玉璫九華流蘇雞舌香合眼宛在君之旁覺來微月  
鑒空牀起視北斗長闌干踟躕露晞日上山義成愛  
施良獨難悲思嘆息淚沈瀾佳人絕代惜玉顏情會  
恩離摧我肝願託錦衾終此懽

苦哉行

從軍北到長城長城草枯窟不平十月風發霜霰零  
人鬚馬毛冰結成東歸太行踐羊腸斫冰煮糜岩谷

菊攀枝掩淚瞻故鄉紅顏搗素怨夜長悲離恨阻斷  
肝腸破鏡何時飛上蒼

嗟哉行

人言高樹多風群鳥巢其顛勁幹從來易折弱者永  
其年蘭茝雖異衆草秋至同一零君子不愛其身身  
屈名乃成

朱榴篇

朱榴雖擅名不與衆草爭春陽炎天衆草死朱榴吐  
豔何揚揚緜辦攢葩不結實可憐此物終拋擲

行路難

錦筍翠蛾心莫疑色銷言忤情遽離偶投響諾山嶽  
移背面詆訾孰復知川塗憂風備其舟彼風東西流  
波翻浪側時不休泊船倚岬纜樹根彼何者鳥翻然  
喧願置此曲令心煩

白紵詞三首

鐙繁月明夜何長華桂鳳髻曳鳴璫裊雲流影歸洞  
房引商刻徵斷人腸金鞭駟馬立徬徨解衣酣酒歌  
未央夜闌雞鳴不下堂

二

天河爲橋一水長雙星怨夜遙相望玉簾金蕩衢路  
旁塵暗鐙殘芬秀揚轉眸明月低西方墮靨流鈿飄  
碎光馬停車駐空斷腸



五更月微含素波飛霧英英沒絳河桂宮蘭室棲玉  
娥外極金鰲萬象羅萬人齊和一人歌生丁福運民  
太和竟日為懽豈足多

詠史一十一首

賦大隧

賦大隧兒賦隧中毋隧外毋思啓段段已舉不及黃  
泉是何語潁人不來其柰汝潁人不來猶之可殂上  
分羹痛殺我

公儀休

園中豈無葵相公柰何饑相君即無衣不愛室申機

相君千萬歲請治相君棲桓公霸諸侯管氏有三歸

青陵臺

兩山當中開露出青陵臺北山雖張羅南山鳥不來  
我在南山自有匹馬牛之風豈相及吾頸可斷志不  
易

射潮引

錢塘八月潮水來蛟龍奮怒濤為雷天旋地拆不可  
止此中云有鴟夷子何不張爾弓挾爾矢射殺鴟夷  
潮可止君不見潮水年年八月來萬弩射潮終不回

汝為我楚舞

汝為我楚舞吾為若楚歌黃鵠翼成將柰何黃鵠一

舉橫四海君王豈有四海羅君無四海之羅安用此  
殃君美人毒君子

博浪沙

博浪沙中挈椎走鴻門帳前撞玉斗誰謂張良貌如  
婦赤帝子起鞭赤龍臣也請歸從赤松赤松子在何  
許君不見朝烹狗暮縛虎

左袒行

陵曰不可平曰可安劉者誰勃與我奇不信祿不入  
軍右袒計安出

申屠嘉

鄧通小臣敢皇侮錯也何人毀廟堵臣欲戮通帝指

許請收錯誅帝罔與含血自殲報皇祖

轅下駒

鄭當時轅下駒韓安國兩首鼠禿老翁竟斬汝廷臣  
不語淮陽語君不見金家婦王家女一言殺兒還殺  
母何況區區老禿且

栗太子

燕燕汝今銜泥向何縣遮天蔽日過長安堆泥作塚  
高如山飛來未央宮銜取梁上土黃口見母來啞啞  
張吻索虫哺

赤鳳曲

前赤鳳後雙燕頭岑岑兮尾涎涎組幘郎君夜相見

相見騎白馬驚起城上烏城上烏據巢食兒夜相呼  
短調歌一十一首

子夜四時歌八首

共懽桃下嬉心同性不合懽愛桃花色妾願桃生核  
柳條宛轉結蕉心日夜卷不是無舒時待郎手自展

右春歌

獨夕玉堦側仰看三星爛畏熱不歸房徘徊夜將半  
鴛棹出驚流回橈戲清泚壁破芙蓉花中有雙蓮子

右夏歌

涼風吹玉樹團扇置不理儂亦有涼熱何況戴冠子  
摘葉裹流螢應手葉先落本無牢根蒂虛怨秋霜薄

右秋歌

郎住西水頭妾住東北滸何能冰遂合永免風波苦  
雪飄悵難行室爾阻相覓不畏風色嚴畏此雪上跡

右冬歌

車遥遥

車遥遥遥遥復邁邁望見秋塵起不見車輪轉知在  
秋塵裏

幽蘭

幽蘭敷紫莖羅列生堂基踰時君不采隔情當怨誰

掌上舞

晨遊甜陽館夕宴戲風臺盈盈堂上舞飛飛素雪迴

空同先生集卷之八

空同先生集卷第九

北郡李夢陽撰

詩 五言古詩四十六首

感述一十一首

雜詩六首

七哀詩

贈寄三十五首

衛上別王子二首

贈王舍人昇二首

贈劉氏五首

申州贈何子

發京師二首

與客問答二首

贈徐禎卿

又贈王舍人四首

贈徐陸二子

寄康脩撰海二首